

江西通志體例述惜

fol 250
42=1
31

江西通志體例述旨

南豐吳宗慈擬



叙例

未著書而先有例非古也孔子依百國寶書而作春秋司馬遷點竄左國世本等書而成史記要皆隨文生義因義起例文成而法立焉

此何故哉天下義理無窮不能馭以一定之例義窮則變而新例生一例既生他義復起於是再窮而變義無窮斯例亦無窮

章實齋云「書未成而先有例書中之義有變化則已成之例不能馭之其流弊必致屈就既成之例而增刪事實以追改之一改再改矛盾牴牾由是生焉」

雖然此言其大凡也夫依例以成書譬膠柱而鼓瑟固不足以成一家之言然著書者胸無成竹譬乘舟泛海無指向之針不幾望洋而興歎哉劉知幾云史之有例猶

江西通志體例述旨

叙例

國之有法今撰志者必先定體例視為功令殆卽此義也歟

由是論之體例非不可先作但當揭其大綱留一隨時增補義例之餘地其庶幾矣今本此義先揭體例之綱要期有符於其事其文其義之旨次列全志目錄之大端

所謂條其篇目撮其指要標揭以便覽者云爾

綱目類例之增刪當俟徵材而確定此其宏綱耳

夫修志之事亦至難言矣原夫方志者上備國史取裁下存一方文獻故紀載宜詳惟方志數十年一修若逐次加詳則所紀載將牛馬汗而棟宇充欲弄藏而無地更檢閱之何從故詳而不能潔斯不可謂之志潔之道若何斯史裁尙矣此其一

既有府州縣志矣

據未廢府制前言

其統部之志則曰通志所謂通志者非彙萃各府州縣之

志假手鈔胥而可成猶夫各府州縣之志不可割裂統部之志而成其理一也今修通志者能否舉所紀載皆確可稱為通而不可隨便移置於各府州縣志者乎如其不能則顧名思義何通之足云哉斯史裁尙矣此其二

通志紀載非專門比次之業也果專屬於比次則徵材既竣分次排比能事畢矣近年各省政府或獨立機關常有年鑑編印已盡比次之責更胡以通志爲因此知通志者於比次之業外尙貴有獨斷之學馬貴與之通考比次之功雖成而獨斷之學未盡鄭夾漈之通志則比次之功稍遜而獨斷之學較優故今之爲省通志要當兼馬鄭二氏之長其庶幾矣然獨斷之學與比次之業應如何相資而互益焉斯史裁尙矣此其三

方志撰述非專門雕文摘藻之所爲也若修志而專注於文學則近於匏瓜矣康海武功志以二萬許言成書三卷世目爲高簡之文韓邦靖朝邑志則總約不過六七千言較之康作其高簡更甚是皆刻意摹古爲文而忘其所以爲志寧免文章雖佳題目却差之譏乎雖然此不可以詞害意司馬遷作史記爲千古創其例其文亦足以雄視古今章實齋爲近代方志學之革命家初不必以文學擅名然其文未嘗不

條理縝密規律整嚴第不專攻於文學而於文學之外尙別有所重者焉斯史裁尙矣此其四

不僅此也史裁之外尤貴史識何言之夫古今著述之事凡以求合於現實之適用而已百年以來世界棣通上自朝廷典章法令下至民生衣食住行逐次蛻變日新又新高曾之規矩不能示範於孫玄矣若修志者不能觀其變而會其通則高文典冊徒供覆瓿之需博帶寬衣並非應時之製然則生今之世爲今之人亦何貴有此志哉于此謹占二義曰不矜奇以立異不襲故而蹈常求其是而已矣存古而不泥朽骨詳今而適應生存求其用而已矣此史裁之外尤貴史識之說也

史有通斷之分志旣曰通亦不可無所斷更不可無所起古人著書起止具有意義如史記記黃帝以來至於麟止其世表自三代至共和其十二諸侯年表自共和逮孔子尙矣茲定全書起於舊志所起

自然科學起於無始爲例外
凡舊志指劉纂趙編者後倣此

迄於抗戰勝利功成之日

或疑抗戰勝利功成並無明示之限曰今抗戰之局內審國情外觀世變更徵諸得道多助失道寡助之義敵其可以五稔乎本志之成期以五年然則不待殺青之日抗戰建國之大業成矣何必更明示以限哉

今志編分爲紀爲圖爲表爲考爲略爲錄爲傳更仿實齋三書之義爲典例徵爲文徵別爲志餘

夫篇名繫辭初無一定義例錄略乃向歆校讐之稱名書志爲馬班史漢之遺軌後之類此者如蔡邕曰意華嶠曰典張勃曰錄何法盛曰說歐史曰考鄭志曰略亦紛紛矣顧辭不相倣而義則差同其不可相假者惟圖表之稱耳今全書旣以志名故衡諸名實不名曰志而各別繫辭聊示整比云爾

紀之目三圖之目十表之目五考之目三略之目十錄之目二傳之目三徵之目二所以施其綜合之功也各目再分別繫以子目則綜合之後再爲分析之敘述焉詳

江西通志體例述惜

叙例

三

目見篇末

江西通志館徵求志材

(一)本省政府各種公報(二)本省發行之各種日報(時期從清同治至民二六)(三)本省各種文獻紀載及名人傳略與著述以上志材或全部份或一部份如收藏故家願割愛相讓或借閱借抄者請通函相商當分名譽金錢二種報酬際此國難省難嚴重時爲整理文獻之業想邦人君子定樂予襄助曷勝翹企泰和橋園村通志館啓

例釋

紀

舊志家編志首冠時王訓典常有盈數卷者其紀載之法昉自宋潛說友撰臨安志首載詔令後世方志旨本尊君大率因之夫著述尊今制古今大抵然也顧統紀皇言漫無裁擇哀輯雖富義例實疏今爲民國固無取於尊君然對於開創民國之國族導師與繼承遺志抗戰建國之國族領袖固應述其言行冠於簡編既所以示欽崇尤所以尊今制第涵蓋羣倫貴在簡要循名責義不應越境而書謹錄言行之專屬於江西一省者亦義例所應爾也

或有疑於紀之稱名曰前史中如帝王世紀如本紀皆以紀屬之帝王故古今方志不敢以紀名篇清嘉慶中南康謝啓昆修廣西通志乃易稱曰典所以準紀也夫此

乃君主時代溺於尊君之說有然故不以紀冠篇嫌與史紊耳按史記本紀註索隱曰紀者記也本其事而記之也故史例雖有紀初不必視爲對君主之專詞元張用鼎金陵新志特創通紀一門得其旨矣夫單辭訓詁因時利用古今有殊天子自稱曰朕突然按爾雅釋詁朕我也註古者貴賤皆自稱朕至秦始皇始定爲至尊之稱故紀之稱名仍從舊詁寧曰非當况即以紀爲尊稱如國父總裁之肇造民國足與開創美國之華盛頓後先媲美顧不可受國人之尊稱乎蒙叟曰夏蟲不可語冰拘於墟也以紀爲諱其拘墟乎撰國父遺訓紀總裁方略紀用冠志篇亦本其事而記之之意云爾

(注)「遺訓紀」紀述要旨(一)摘採國父創建民國以來關於江西省之言論(二)民國元年卸任總統後曾來贛一次應調查其事蹟及言論並著於篇

「方略紀」紀述要旨(一)摘述總裁歷次來贛用兵之方略與政績及其他言論但紀述方法應以最簡括之詞述其綱要其詳目應讓之民國大事編年紀(二)方略一詞本於史記故後世謂武功曰方略總裁從北伐誓師以至現今領導國人抗戰武功可謂震耀古今雖其他政績亦多有足稱要以武功爲首著故定名曰方略紀實也

方志者古國別史也夫史以紀事爲主紀事以編年爲主此史之通例也今方志於記事之體往往缺而不備此乃囿夫地理圖經之編見而昧於周官職方小史外史小行人之職故章實齋氏於此有深憾焉卽或偶有記載大半編次夾雜混入諸門之中不足爲全書綱領以致古今事物紛綸歲蕤莫得而條理之欲使如裘挈領若網在綱非藉括綜幾何不令閱者目眩而神警乎今取自漢以後凡當以年次者統合爲編年紀其漢以前則從闕疑首歷代大事編年紀（篇上）次民國大事編年紀（篇下）从其序而示以別也夫紀以編年爲名故例仿綱目大書分注俾覽者先知古今之事瞭如指掌亦庶幾有以副國別史之義而不儕於地理圖經之類例云爾古來大事其已見史書記載者今無取於重複祇揭其年月與事之綱要於篇注明見某史如明宸濠之事卽注詳見明史是也近世大事如光緒時江召棠之南昌教案民國時討袁之湖口起義則應詳爲之記焉

江西通志體例述指

例釋

五

右釋紀

（注）黨務不另列目從民國建立以來之各政黨以至最近之中國國民黨其間沿革及事蹟又社會組織婦女運動等事均列民國大事編年紀中

圖

圖學興廢有關世運盱衡今古非偶然也司馬遷但本周譜以作表不溯夏鼎而爲圖一失之矣班固創編地理志有志而無圖則再失之後世相沿莫之能改於是表志繁而圖學廢矣鄭樵生千載而後慨然有見於此又但知收錄圖譜之目而不能自創圖體以補前志之所無可深惜也明末清初教士東來以西法繪製輿圖而圖學一振乾嘉而後此學又復中落同光以降西學東漸圖學遂煥然而改觀越至民國更駸駸日進不惟輿圖之繪製漸精推而廣之其效用更昭著於一切事物之間原夫方志唐宋以來本以圖經爲號顧雖有圖然不可爲典則約而言之其弊有二

一則逐於景物求山水摹繪之工一則廁於序目凡例之列而視等弁髦皆無當於史裁之義者也夫方州之書徵名辨物其事至繁先儒論史謂表闕則列傳不得不繁循斯義也當知圖闕則書志不得不冗故圖學之於方志非僅表列山川一例也今志之於圖凡屬於地理統部性質者既分別而爲之圖其關於一事一物但有形象可求足與紀載相互發明者亦必繪圖立說以明之爲因利乘便皆附於本事物紀載之後庶幾好學深思之士讀其書見其圖不至如冥行而擲埴豈不善歟編圖次於紀者則以明夫圖之爲用其於全志之所紀載者皆有互著之義所宜目擊而道存者也

右釋圖

表

(一)疆域沿革表 疆域沿革代有遷變非可因襲而成民國廢府後尤爲遷變之

大者蓋民國建立以來縣之地位直轄於省由三級制改爲二級制

其後會復設道尹近年添設行政專員似又返

於三級制然縣制不同矣

至最近實施新縣制更見重要矣舊志之地理沿革表非予改編不能適

合於現制約述要旨如左

(甲)舊志之沿革表一係考前清府之隸屬與府之領轄既全與現制不合其內容則考也非表也應刪而以其所考訂者入於沿革繫說中

(乙)舊志之沿革表二其應改善者有二點(一)誤以布政司爲統部官按清沿明制設布政使司布政使乃乾隆以前之制度乾隆以後其統部乃巡撫也其事之沿革章實齋論之詳矣

見方志略例一論地志統部

(二)表應改以府州地名爲綱以歷代沿革

爲緯其統部官之名稱由漢而下以至民國其變遷改置可以一目瞭然

(丙)舊志之沿革表三因現制縣爲地方單位故應以縣爲綱其歷代對於縣之沿革爲緯故舊志之第三表應改作第一表第二表改正後仍列第二第一表刪

表後繫以說用爲全書根底斯界域詳確不致以甲省之事誤入乙省乙省之事誤入丙省於是有圖有表有說表不能詳則有圖明之圖不能見則有說證之說者卽著明圖表之所以然也閱志者開宗明義卽瞭然於此則全志所記述之事不啻指諸掌矣

(二)職官表 周禮御史掌贊書凡數從政者注言自公卿以下至胥徒凡數及其見在空缺者是官職姓名於古蓋有記載之專書矣厥後班固漢書著百官公卿表東京以還則有職官志唐宋之史乃有宰輔表凡此史志之文旨在詳其制度若方志所書則記其歷官歲月科舉甲庚與學歷馭之以年經事緯足以按格而稽於事畢矣

方州記載職官徵之於古肇於漢晉沿於唐宋

後漢郡府廳事皆有畫職應劭連綴官名錄爲狀人紀晉有百官名征西察屬名諸書唐則有昌黎記藍田丞

柳州記驛館使宋則有王介甫度支廳壁題名

畧謂觀其人與其在位之歲時以求其政事之賢否云耳並非類聚

江西通志體例述指

例釋

七

官人之書元明以來州縣志書則往往有存其歷任者至是沿爲慣例或謂職官列表宜於州縣方志因其官少而易約也若統部志書則官職繁多斯尺幅難竟夫班分類附之法行於年經事緯之中視立例之精與否耳班書表列三十四官格止一十四級或以沿革並重首篇

相國丞相奉常太常之類是

或以官聯共居一格

大行令大鴻臚同格左馮翊京兆尹同格之類

其遺

型足式也依清代地方職官舉例則督撫提鎮之屬共爲一格布按巡守之屬共爲一格斯篇簡而易省類從而易明矣

民國以前職官之名雖代有遷嬗而名實之間尙無大忒政體既革變置遂紛載筆者若混而一之將見絲棼而難理故於此分上下篇民國以前屬上篇以後屬下篇眉目既清省檢自易

記載之法有與他篇詳略互見者卽職官中無特別政績可記者但於姓名之下注其鄉貫科甲或學歷已足蓋所以省傳文之繁而因利乘便以爲之者也其有特別

政績可志者則入宦績錄既不沒人善又足以示勸焉

(注) (一) 其有檔案散逸徵訪難周則採闕疑之例又或因金石所載或他有所徵斯補收入志可即以金石年月冠之其初仕何年去官何月不可考即不必記亦有年月不可稽但有姓名者則於經緯列表之終橫列以存其目斯亦闕疑俟後之意云爾

(二) 志家於省通志之職官表例於文職載知府以上武職載參游以上今斟酌適宜於上篇前清職官則從舊例若下篇則因民國既廢府制斯不得不載及知縣輕重之衡理如是也知縣以下之官則載不勝載縣志所應有事非通志體裁之所宜矣

(三) 選舉表 周官鄉大夫三年大比考其德行道藝而興其賢能漢制有孝廉茂才力田賢良之舉此選舉之制所由昉也隋唐以降乃以詞章舉士沿及明清雖時有因革而科舉取士是爲恒例茲以選舉名篇從其朔也

古人有以選舉之事勒爲成書者或關律例功令

宋晁迥之進士編敕明陸深之科場條貫

或屬題名紀傳

宋洪适之登科記十五卷明姚康之科第錄十六卷 或如稗野雜記

南漢王定保之唐摭言宋錢明逸之宋史冠盛事

凡此皆非方州專記之書其有

考定方州自爲一書者如宋樂史江南登科記明張朝瑞南國賢書陳汝元皇明浙

江西通志體例述作

例釋

八

士登科考等此雖類萃一方掌故然並非通行天下視如功令者宋元州郡志書則間見諸紀載至明清以來其州縣志書編次科目表列舉貢幾視爲成例矣

清末造以至民國肇建廢科舉以興學校尊民意而新政治於是所謂選舉其名雖同於古其實則異焉初有資政院諮議局之選舉繼有國會議員省會議員之選舉其法似仿鄉舉里選而無三物之興兼採州郡中正而無九品之別其選舉計口制仍倣漢舉孝廉制而贏縮之然薦舉不由官長乃由民選則歐美民主制有然也因純屬民選之有流弊近遂有民選官薦兼權互採之制或亦補偏救弊之一道歟關於科舉考試流別之應記者在清末則有考職有留學考試是爲科舉之餘波在民國則有文官考試法官考試其典制不同登庸亦異焉茲述選舉表上下清末未廢科舉以前爲上篇科舉廢後以迄民國爲下篇表之統名可同其分目不必同古人編纂有因卷繁有因類別而區爲上下編者亦整比法也

(注)舊志之應改善者常有於表中姓名之下附載事蹟以致表傳相淆其一也亦有不明年經事緯之法率以進士舉人貢生武選各分門類又以進士冠首而舉貢以次編於後於是一人之由貢獲舉而成進士者先見進士科年再搜鄉舉時代而始明其入貢年甲於事既爲倒置于文更爲複沓又其一也其表式應改從簡捷而省篇幅

(四)人物表(一) 人物表何以作所以救方志列傳之窮也方志列傳何以窮舊志之所收錄既多濫而無當新志之所徵蒐益將繁而難考故不可不有別識心裁以爲之董理也

原夫方志人物爲正史列傳之遺而志所以備國史取裁其勢不能不從詳既詳矣欲詳而不猥豈可無道以處之夫一省之大古今人物據正史及前清一統志舊省志各府州縣志既載不勝載然刪之又近於闕典且足以騰怨嘗見志家所撰之人物志矣即鄉賢與列傳等取本省人物在史傳有名者逕錄其本傳或從刪節或增佚事以入於志此蓋誤倣地理類書摘取人物典故之陋習不知史傳人物無取複經史邇列傳如春秋之子產叔向伯玉柳下諸賢皆不列傳因左氏已具也然則志乘人物亦何取於複史乎或取舊志所載有名無實之人

江西通志體例述情

例釋

九

物摭拾浮辭潤飾篇幅於是論孝則人皆曾閔興廉則人盡夷齊述治則人必龔黃衡文則人咸班馬千篇一律如閱點鬼之錄如讀諛墓之文誠不知其何所取義吾人於此宜有刪繁就簡詳略互見之道其道若何卽應立人物表以爲之總攝是也

古人名在史傳事蹟已彰何藉方志揄揚乎故全抄史傳難免疊牀架屋之譏然盡付刪除又豈考文徵獻之道無已惟將史傳有名之人錄其本傳入於文徵本志不復重爲立傳但列其名於人物表注明傳見文徵某卷足矣舊志所載千篇一律之人物則亦簡記籍里時代等悉以入表既不沒其名又不濫砌浮文故表者乃爲人物之總攝人物既有總攝然後綜覽古今裁衡事理擇其言行於社會民族有深切關係者而爲之傳表取其囊括無遺也傳取其著明有自也賅而不傷於蕪約而不致於漏也

或曰人名列表於古有其例乎曰有史記項羽曰書足以記姓名可見史文之重名姓班固撰古今人表其事必有所承非漫然爲之故古人未嘗無專記姓名之書特其法不傳耳成漢常璩撰華陽國志有三州士女目錄宋鄭文寶撰江表志有諸王大臣標名蓋得其遺意者此自古人先得我心而今日所可效法者也

或疑姓名之載將與選舉表涉於重複曰人物雖多由於選舉而選舉固不能包容人物蓋古今人物之不由科第者正不勝縷數也又選舉表重在編次科目以備檢尋此則錄記姓名有關言行詳略取捨蓋各有所取義焉

(五)人物表(二)列女 方志於列女記載盈篇累牘亦已繁矣原其節義孝烈之行未嘗不令人起敬顧記載之法千手雷同枯燥無味閱者每難終卷本欲顯之適以晦之豈不痛哉蓋記載者不知以類相從以事相繫之法更不明以簡馭繁之道之所致也然則其道若何舉例而言遠如太平軍之役近如共黨之禍其殉身於節義

江西通志體例述惰

例釋

一〇

孝烈者當仿左氏紀事之旨特立篇名以敘述兵亂所由其事之可歌可泣者皆總括於其中其人之籍貫姓氏則入於列女表斯文彌簡而事彌重既不失爲通志體裁尤徵獨斷之學之貴於排比之業也又如普通節義孝烈之事亦悉入於列女表其有特別言行足以勵當時而風後世與夫學術文藝卓然有成者則爲之撰專傳斯則不但詳略得其宜亦褒之得其道矣奚致同一切方志之記載列女者如讀印板之文而令人索然寡歡哉

右釋表

考

(二)地質考 地質爲新興之科學吾國古所未有也禮云地脉佛言地味漢書稱地絡論衡述地力要皆憑顯著之形象而申其義說不足語於大地內層構造原始之研究也海通百年以來西學東漸於是乃有地質專門之學夫地質學者乃研究

地殼之成因與地層之構造及地球上各種關係之學所系亦綦重矣近年來如中央研究院各省府各國立大學或特設機關或特立專系妙選人才調查勘察繼續努力漸由理論而幾於實施之效今志祇據本省現所調查之成績爲之紀載亦期得寸得尺之功云爾

(二)與地考 史遷志御史奏輿地圖不言地志有佚文也班固志地理有志無圖是廢典也夫道地事者倚於圖不能顯者有志以盡之志不能詳者用圖以表之二者備能事畢矣今既作輿圖以識其廣袤之度經緯之限然期自治耳治之同詳則輿地攷尙焉按周禮司徒制其地域而封溝之是境界之說也以土圭之法求地中而暑寒風陰可測而知之此氣候之說也山澤川浸職方所掌是山川也夫家人民鄉師所稽是戶口也司險阻固之設是關隘也爾雅爲梁編諸釋水唐書地志亦志陝津是津梁應隸地志矣班志地理歷記王母石室金馬碧雞之勝是古蹟應入地

江西通志體例述情

例釋

一一

志矣尙有因政體變革於舊志之目不得不改隸以符名實者則爲建置

舊志建置一門凡城池衙廨壇壝祠廟等屬之蓋建置所以志制度也因制度之所在故建置例有圖誠以一代典章制度所由繫非圖無以辨其儀節度數焉夫在君主時代等威之辨甚嚴今政體既更制尙平等等等威之辨不復存留所謂皮之不存毛將安傅者矣顧將廢之不載歟則其事亦關歷史沿革載之則葺殘綴闕不殊廢紙況城池壇壝等或折闢公路或夷爲廢墟既圖無可圖亦載不勝載即令圖之載之亦安所用之哉然則擇其有關歷史重要者入諸古蹟是或折衷之一道歟實齋嘗論近代方志紀載建置之陋曰「或入古蹟則古蹟並非建而置之也或入寺觀則寺觀不足爲建置也」夫古今情事迥殊建置入寺觀誠爲不類以今論之入諸古蹟寧曰非宜

(注)或疑舊建置既入古蹟新建置將失紀載曰新建置不涉制度固不必紀載讓一步言例如鐵路橋樑大學校舍等均可各從其類以附見初不必專隸一目也

(三)水道考 遷史悲河防而記瓠子之歌班志贊引古人微禹之歎水之爲利害也大矣哉其後史志記載稱名非一襲古則不出馬班河渠溝洫之稱紀實則有河防水利之目蓋嘗論之遷史之目河渠以河自天設渠則人爲舉漢代治河之法與鄭白諸渠綴合而成也固之命名溝洫祇爲考工水利之法井田澮畎之所爲夫四尺爲洫倍洫爲溝似無當於瓠子決河碣石入海之義至河爲一瀆之名諸水不可盡蒙以河號也水得其道則利失其道則害僅名以利則偏而非全也孟子曰禹之治水水之道也然則水爲統名而道存制度標題入志稱爲水道不亦善乎夫道者順也書禹貢九河旣道註順其道也又導也史記文帝紀道民之略又從也山海經風道北來註從也衡諸古訓當矣江西之水大者曰江如贛江小者曰水如修水其匯集之地則爲鄱湖其名稱旣非一矣然則統名曰水飲水而不忘其源也名之曰水道則兼治水制度言也論其本則導諸水匯於湖合於江而入於海論其末則堤堰陂

渠閘不失其道庶幾一省浚經之水患可除患除而後利可興斯言水政者知所先務也歟

右釋考

略

(二)財政略 古者冢宰制國用司會屬於大宰主天下之大計職內掌邦之賦入職歲掌邦之賦出理財之政詳矣蓋財者百務之本也

省者國之分欲求財政之秩然不紊則制其出入其道一焉夫理財之事論其常經則量入以爲出言其特例則量出以爲入大抵用之分利則常經尙焉用之生利則爲政者於特例亦偶可行之但處常處變必於一歲之出入預計其平衡斯爲定制否則棼然無紀有財而無政矣夫省之所入出於民故取諸民必量其力更能取之

於民者用之於民斯民無怨而政易行今日之省收入持與清季較與民國初年較其增加或相倍蓰相什伯矣然近年政治推行其效率增進亦迥非昔比此自持平之論也原夫爲政之道節民財而庶政不飭與竭民財而百役俱興均非調劑盈虛之道故拘文牽義者其民困好高務遠者其民蹶其理可深長思也今志賦入之事若干賦出之事若干其庶爲足用長財之取鑒歟舊志嘗以度支之事隸名會計或食貨今則涵義有殊定名應別故以財政名篇中央地方設官分職於此隸有專司亦猶夫遷書天官平準以官名篇之義也

(二)經濟略 太史公準管子輕重歛散之旨而作平準書班固更因其義本洪範八政以撰食貨志凡以述生財之道也固之述食貨曰食足貨通然後國實民富而教化成其旨遠矣後之爲史志者沿襲其名莫之或改夫箸述之事所宜通古今之變者也古食貨之名其涵義狹不如經濟今名之涵義廣故本篇不名食貨而易以

江西通志體例述信

例釋

一三

今名

或疑其名非古曰豈其然哉今中央設官分職則以經濟名部國學立教分科則以經濟設系尊今之制義固有然况以官名篇猶夫遷史以官名書之例亦何嘗悖於古乎

或疑其辭不經夫古今事物變化無窮斯紀載之辭語亦隨而變化例如史爲官名故古史日記史記曰書漢晉書曰志三國志皆不以史名其箸述也今則史之一辭演繹而成普通記述之義殆猶經濟一辭譯述假借之今義云爾

或疑其義未愜夫經濟舊訓曰經世以濟民也今假舊文而譯今義經濟之學實包舉農工商礦與一切物力人力而研究其性質生產交換分配消費與夫貨幣之平衡及內外通匯之方法循名覈實夫豈悖於厚生之義者乎况今立國大地欲適應世界貿易競爭則應闢國家經濟之路欲奠定國內民生基礎則當裕國民經濟之

源凡此皆適用經濟之名而食貨之稱不足以眩其義者也

經濟既所以謀生財之道則建設之義亦包孕其中斯尤較食貨命名之爲當也
略述數端藉明名篇之旨爲因爲革初無成心亦曰求其是而已矣

(二)教育略 古者人才任用由於選舉人才培养則在學校蓋分途而各致其用者也夫歷代學校制度各有異同然括要而言則教育人材以儲國用無他義焉書院之制創於唐而興於宋社學之制創於明而襲於清斯則學校繼別之宗而條繁林蔚者也舊志以學校書院社學概入於建置似失教育之旨今立教育專目用期名實相副而已

夫教育與政治互相表裏者也周代門閭之學所以教太子暨國之貴游子弟唐之弘文崇文二館惟皇族與貴官子弟得肄業其中此爲君主時代因政立制之所爲固不足比於民國之教育

嘗考周制閭有塾黨有庠州有序諸侯之邦皆得立學漢武帝興大學更令郡國立學校之官其後如唐宋明各代皆有詔天下郡縣立學之事又按管子曰士之子恒爲士農之子恒爲農工之子恒爲工唐代則有律書算之專門設學然則普通與專門教育之制亦爲歷代之所尙矣

清以異族入主中國因襲歷代科舉陋習以取士藉爲牢籠羣倫之計故學校其名科舉其實雖京師有國子監地方有郡縣學且從而定學額頒學規設學官以教之置學田以養之實則告朔餼羊耳至書院之制清更盛行且設立遍及全國府州縣第所肄業之條目仍不出科舉之範圍社學則沿明制曾令各府州縣之大鄉巨堡皆置之日久漸成具文等諸蒙塾殊不足與語於教育之義者也

同光以降外侮紛乘知非學不足以立國光緒戊戌乃開辦京師大學旋因政變而廢置壬寅始設京師大學堂而廢國子監旋廢科舉而通令各行省悉改書院爲各

級學堂閱時未久民國肇興於是教育制度三十年來日新而月異即以留學言昔日負笈東瀛已有遠適異國之感今則接踵歐美如履戶庭此其遷變推移至堪玩味者矣爰立上下篇以分述其已往之蹟夫今之視昔猶夫後之視今過此以往當復何如覽斯篇者其亦有所興起也夫

(四)庶政略 元設行中書省於各地方沿明及清省之事權益重省遂構成地方區域之專名夫名者實之賓也國之政令施於省省更施之於其屬循名覈實蓋古決決乎大國哉故一省之庶政其大綱雖秉承中央然本而施之行政者其細目亦至繁焉

今志於財政經濟教育各立專目紀載誠以茲三者爲省政推行之本意有所重焉耳其他政事悉隸於庶政而各爲之目亦庶幾權衡輕重不失史裁之義也歟

當清末季釐革庶政由中央以及地方至爲紛紜茲舉其犖犖大者數十年來變遷

江西通志體例述愔

例釋

一五

因革可得言焉夫設官分職之綱領各省所同國史所有事也其設官分職而隸於本省之職司本省所獨則今志所應有事也

原夫按察之官專司刑獄實始於遼

唐宋按察使爲察訪之官遼分遣朝臣分路按察刑獄乃爲司刑官之始

其後歷代相沿遂爲

一省司法之長清末因改良司法乃改稱提法司民國迄今迭有因革矣軍政在前清屬於督撫民國既建軍民分治合治常隨政變以爲廢興近視以來則保安隊屬於地方爲一省禁亂戢暴之備而與國軍有別此軍政之改進也古有待遇藩屬之儀而無平等交涉之禮地所限也百年以還環球交通如履戶闕而各國富強遠勝吾國清當國則惛然自大不肯以平等之禮待人遂致迭受外侮至於創鉅痛深乃於光緒元年始正式遣駐外使臣二十七年中央始設外務部各省設交涉使民國則改外務部爲外交部改交涉使爲外交部特派交涉員以辦理與外人交涉之事本省關於交涉案之彰著者爲南昌江召棠之教案則是未設專官以前事也至若

交通之政光緒二十二年始創辦郵政二十八年始收回電報局爲官辦

光緒六年李鴻章督奏設陸路

電線乃商辦也

鐵路則於同治時曾設鐵路局旋廢光緒十五年始命各省督撫議興辦鐵路

事本省則以修築南潯鐵路爲濫觴焉航空與公路則爲近年新興之交通政策也一省政治之興衰與地方人民之禍福利害均繫於吏治之隆污清末吏治之弊極矣顧民國既建制度之變革任用之標準三十年來日新而月異焉其弊之已革與夫其名雖革其實仍存者從而調查敘述詳其因革存廢之故爲後此行政者之取鑒誠今日續修通志之急務矣警察之制略近周官司救司誡司稽之職然清非慕周官之遺法而實倣歐美之今制光緒三十一年始設巡警部越三年始頒行違警律各省亦相繼而設巡警道之專官民國以來官制有變遷而制度無廢弛是爲本省警政之所昉若地方自治之事亦始於清末宣統元年始頒行地方自治章程三十年來迭有興廢至最近則實行新縣制而以縣爲地方自治之基礎郵政則爲社

江西通志體例述信

例釋

一六

會救濟事業之一古所謂保息之政也衛生所以謀人類之健康以生理學醫學爲之經物理學化學細菌學爲之緯乃新興之科學爲今日地方行政之要端土地行政頗近周禮司徒土均之法然以新興之航空科學爲之測量則古今之所創見第造端弘大其成績昭示尙當俟之異日茲暫附於庶政焉

(五) 禮俗略 禮者國家之制通國所守一代通禮可考而知也方志於典禮一門

例有紀載大抵因襲故典漫付鈔胥果何謂哉或舉禮失求野之義用爲辨難夫自國體變革當時禮制本於尊王典制所存已同廢臘禮雖有失野復何求或謂民國成立通禮未頒凡所沿襲多依清制然則清禮之尙存於通都僻邑間者入之紀載視同碩果寧曰非宜曰此論雖是然豈可無所權衡於其間哉斟酌古今惟宜是尙方志所載當述其時代蛻變之迹與特殊習慣之存以備將來民國通禮之編纂舉全國方志之所紀載者有以會通而裁訂之斯一代大典所基誠今日修方志者惟